

Mahathir dianugerah ijazah kehormat oleh University of Tsukuba

SelangorKini.my

6 November 2018

TOKYO 6 NOV: Perdana Menteri, Tun Dr. Mahathir Mohamad dianugerahi ijazah kehormat doktor falsafah oleh University of Tsukuba di sini pada Isnin.

Penganugerahan ijazah kehormat itu, yang merupakan pengiktirafan tertinggi universiti berkenaan terhadap sumbangan Mahathir dalam mempertingkatkan pertukaran dalam bidang penyelidikan dan pendidikan di peringkat antarabangsa, semasa lawatan beliau ke kampus Tokyo universiti itu di sini.

Ijazah kehormat itu disampaikan Presiden universiti berkenaan, Prof. Kyosuke Nagata.

Terdahulu, sebelum majlis penyampaian anugerah itu berlangsung, Mahathir mengadakan pertemuan dengan Nagata.

Perdana Menteri hari ini memulakan lawatan rasmi tiga hari beliau ke Jepun, yang antara kemuncaknya adalah pengurniaan darjah kebesaran tertinggi negara Jepun 'The Grand Cordon of the Order of the Paulownia Flowers' oleh Maharaja Jepun di Imperial Palace di sini pada Selasa.

© Copyright 2016 - Developed for the People of Selangor

Source: <https://selangorkini.my/2018/11/mahathir-dianugerah-ijazah-kehormat-oleh-university-of-tsukuba/>